

ঠাকুরগাঁও সরকারি কলেজ

বিষয়ঃ ইসলামের ইতিহাস ও সংস্কৃতি

২য় পত্র পত্র কোডঃ ২৬৮ পূর্ণমানঃ ৩০

দ্বাদশ শ্রেণি সৃজনশীল প্রশ্ন-- অ্যাসাইনমেন্ট ' ২০২১

[যে কোন তিনটি প্রশ্নের উত্তর দিতে হবে]

১. অজয়নগর ও বিজয়নগর পাশাপাশি অবস্থিত দুটি গ্রাম। শাহাদাৎ সাহেব অজয়নগর গ্রামের সবচেয়ে প্রভাবশালী ব্যক্তি, অন্যদিকে আমিন সাহেব বিজয়নগরের একজন ধনাঢ্য ব্যবসায়ী। দুজনেরই শক্তিশালী লাঠিয়াল বাহিনী আছে, যারা ছোটখাট বিষয় নিয়ে দ্বন্দ্ব ও সংঘাতে জড়িয়ে পড়ে। কিছুদিন আগে শাহাদাৎ সাহেবের এলাকা থেকে আমিন সাহেবের লোকজন শস্য ও গবাদি পশু জোর করে নিয়ে যায়। শাহাদাৎ সাহেব আমিন সাহেবের কাছে এর বিচার চান। আমিন সাহেব তাতে কর্ণপাত করেননি। এতে শাহাদাৎ সাহেব রাগান্বিত হয়ে আমিন সাহেবের এলাকায় হামলা চালায়। আমিন সাহেব তা প্রতিহত করতে গিয়ে পরাজিত হন এবং তিনি নিজেও প্রাণ হারান।
 - ক. দেবল বন্দর কোথায় অবস্থিত ? ১
 - খ. আরবদের সিন্ধু বিজয়ের প্রাক্কালে ভারতে সামাজিক অবস্থার বিবরণ দাও। ২
 - গ. উদ্দীপকে উল্লিখিত শস্য ও গবাদি পশু জোর করে ধরে নিয়ে যাওয়ার সাথে সিন্ধু বিজয়ের কোন কারটির সাদৃশ্য রয়েছে ব্যাখ্যা কর। ৩
 - ঘ. উদ্দীপকের ন্যায় উক্ত ঘটনাটি সিন্ধু বিজয়ের একমাত্র কারণ নয়, বিশ্লেষণ কর। ৪
২. সাহাদ মাহমুদ ইতিহাস বই পড়তেন। সে দুজন গজনি শাসকের ভারত অভিযান সম্পর্কে পাঠ করে। একজন ১৭ বার ভারত অভিযান করে প্রতিটি অভিযানেই সফল হন। অন্যজন তরাইনে দুইবার যুদ্ধে অবতীর্ণ হন। প্রথমে পরাজিত হলেও দ্বিতীয়বার জয়ী হন।
 - ক. সুলতান মাহমুদ কে ছিলেন ? ১
 - খ. সবুজগিনের পরিচয় ব্যাখ্যা কর। ২
 - গ. উদ্দীপকে সাহাদ মাহমুদের পঠিত প্রথম ব্যক্তির মধ্যে কোন গজনি সুলতানের কোন অভিযান ফুটে ওঠে-নিরূপণ কর। ৩
 - ঘ. উদ্দীপকে সাহাদ মাহমুদের পঠিত দুজন ব্যক্তির মধ্যে তুলনামূলক আলোচনা কর। ৪
৩. জমিদার আবুল হাসান মৃত্যুর পূর্বে তাঁর বিদুষী ও বুদ্ধিমতি কন্যা হাসনা বানুকে তাঁর বিশাল জমিদারীর উত্তরাধিকারী মনোনীত করেন আপনজনদের নানামুখী বিরোধীতার সম্মুখীন হয়ে তাঁকে জমিদারী হারাতে হয়েছিল। কিন্তু শত্রুদের হাতে তাঁর ভাইয়ের মৃত্যুর পর পুনরায় তিনি জমিদারী ফিরে পান। সব যোগ্যতা থাকা সত্ত্বেও নারীসূলভ দুর্বলতার কারণে তিনি নানা ষড়যন্ত্রের শিকার হয়ে কাজিখত সফলতার পরিচয় দিতে পারেননি।
 - ক. 'আইবক' শব্দের অর্থ কী ? ১
 - খ. রক্তপাত ও কঠোরনীতি কেন গ্রহণ করা হয়েছিল ? ২
 - গ. উদ্দীপকে উল্লিখিত জমিদারের কন্যার সাথে দিল্লী সালতানাতের কোন শাসকের মিল রয়েছে ? ব্যাখ্যা কর। ৩
 - ঘ. হাসনা বানু ও উক্ত নারী শাসকের ব্যর্থতার কারণ একই সূত্রে গাঁথা-উজ্জিটি বিশ্লেষণ কর। ৪
৪. সুলতান সুলেমান বারবার অন্য একটি দেশে অভিযান পরিচালনা করেন এবং অবশেষে দেশে ফিরে আসেন। অভিযানে তিনি যে ধনসম্পদ অর্জন করেন তা শিক্ষাবিস্তার ও উন্নয়নমূলক কাজে ব্যয় করেন। এক পর্যায়ে তিনি তাঁর রাজ্যকে একটি সমৃদ্ধশালী রাজ্যে পরিণত করেন।
 - ক. তরাইনের দ্বিতীয় যুদ্ধ কত সালে সংঘটিত হয় ? ১
 - খ. সতীদাহ প্রথা কি ? ব্যাখ্যা কর। ২
 - গ. উদ্দীপকে বর্ণিত ঘটনার সাথে তোমার পঠিত কোন শাসকের মিল রয়েছে ? ব্যাখ্যা কর। ৩
 - ঘ. " উক্ত শাসক শুধু সেনা নায়কই ছিলেন না, একটি রাজ্যের প্রতিষ্ঠাতাও ছিলেন "। এ কথাটির ব্যাখ্যা কর। ৪
৫. উসমানের পূর্বপুরুষরা গোবি মরুভূমির একটি ক্ষুদ্র রাজ্যের শাসক ছিলেন। সেখানে শত্রুপক্ষের শক্তির কারণে সুবিধা করতে না পেরে তারা এশিয়া মাইনরে চলে আসেন। এশিয়া মাইনরে বহুদিন ধরে সেলজুকরা শাসন করলেও উত্তরাঞ্চলে ক্ষুদ্র ক্ষুদ্র বেশকিছু স্বাধীন ও শক্তিশালী গ্রীক রাজ্য বিদ্যমান ছিল। উসমান শেষ সেলজুক সুলতান আলাউদ্দীনের পতন ঘটিয়ে সেখানে উসমানীয় সাম্রাজ্য প্রতিষ্ঠা করেন। তিনি শক্তিশালী গ্রীক রাজাদেরও পরাজিত করে যে বিশাল উসমানীয় সাম্রাজ্য গঠন করেন তা কয়েক শতাব্দী স্থায়ী হয়েছিল।
 - ক. 'বাবর' শব্দের অর্থ কী ? ১
 - খ. পানিপথের ১ম যুদ্ধে বাবরের জয়লাভের প্রধান কারণ কী ? ব্যাখ্যা কর। ২
 - গ. উদ্দীপকে এশিয়া মাইনরে গমনের সাথে বাবরের ভারতে আগমনের সামঞ্জস্য কোথায় ? ব্যাখ্যা কর। ৩
 - ঘ. সাম্রাজ্য প্রতিষ্ঠায় উসমানের কৃতিত্বের আলোকে সম্রাট বাবরের কৃতিত্ব মূল্যায়ণ কর। ৪